

## Memorandum

Ruj. Kami : USM. 35/3 JLD. XII  
Tarikh : 12 Januari 2023  
Kepada : Semua Staf  
Universiti Sains Malaysia

Bangunan Canselori  
(Chancellory Building)  
11800 USM  
Pulau Pinang, Malaysia  
Tel: 04-6533888  
www.usm.my

### HEBAHAN PENDAFTAR BIL. 3 TAHUN 2023

- PEKELILING PERKHIDMATAN BILANGAN 2 TAHUN 2022
- SURAT EDARAN : JPA.800-3/2/4 (17)

Saya dengan hormatnya merujuk perkara di atas.

2. Sukacita dimaklumkan bahawa pihak Universiti telah meluluskan pemakaian Pekeliling Perkhidmatan Bilangan 2 Tahun 2022 dan Surat Edaran JPA.800-3/2/4 (17) mengenai perkara-perkara berikut untuk dilaksanakan sepenuhnya di Universiti Sains Malaysia:

- **Pekeliling Perkhidmatan Bilangan 2 Tahun 2022 bertarikh 27 Disember 2022**
  - i) Pemberian Kenaikan Gaji Tahunan (KGT) Tambahan Khas Kepada Pegawai Perkhidmatan Awam Persekutuan Dalam Kumpulan Pelaksana Dan Kumpulan Pengurusan Dan Profesional (LAMPIRAN A)
- **Surat Edaran JPA.800-3/2/4 (17) bertarikh 27 Disember 2022**
  - ii) Bantuan Khas Kewangan Tahun 2023 (LAMPIRAN B)

3. Perincian mengenai pekeliing dan Surat Edaran tersebut adalah seperti di lampiran.

Sekian, terima kasih.

“BERKHIDMAT UNTUK NEGARA”

(MOHD AZIZUDIN BIN MOHD SHARIFF)

Timbalan Pendaftar Kanan  
Bahagian Sumber Manusia

MAMS/NR/smaa/Hebahan\_PP02022&SE27122022

Tel. : (6)04 6536070

| Faks : (6)04 6534315

| e-Mel : [azizudin@usm.my](mailto:azizudin@usm.my)

| Web: [registry.usm.my](http://registry.usm.my)



**KERAJAAN MALAYSIA**

---

**PEKELILING PERKHIDMATAN BILANGAN 2 TAHUN 2022**

---

**PEMBERIAN KENAIKAN GAJI TAHUNAN (KGT) TAMBAHAN KHAS  
KEPADA PEGAWAI PERKHIDMATAN AWAM PERSEKUTUAN  
DALAM KUMPULAN PELAKSANA DAN KUMPULAN PENGURUSAN  
DAN PROFESIONAL**

**TUJUAN**

1. Pekeliling Perkhidmatan ini bertujuan melaksanakan keputusan Kerajaan untuk memberikan Kenaikan Gaji Tahunan (KGT) Tambahan Khas bagi tahun 2023 kepada Pegawai Perkhidmatan Awam Persekutuan dalam Kumpulan Pelaksana dan Kumpulan Pengurusan dan Profesional.

**LATAR BELAKANG**

2. Kadar KGT semasa bagi Pegawai Perkhidmatan Awam Persekutuan dalam Kumpulan Pelaksana dan Kumpulan Pengurusan dan Profesional adalah sebagaimana yang ditetapkan melalui Pekeliling Perkhidmatan Bilangan 1 Tahun 2012, Pekeliling Perkhidmatan Bilangan 12 Tahun 2016 dan Pekeliling Perkhidmatan Bilangan 13 Tahun 2016.

3. Pegawai Kumpulan Pelaksana dan Kumpulan Pengurusan dan Profesional menerima Pergerakan Gaji Tahunan (PGT) pada kadar KGT antara RM80.00 hingga RM400.00.
4. Kerajaan telah bersetuju untuk memberikan KGT Tambahan Khas sebanyak RM100.00 kepada pegawai Kumpulan Pelaksana dan Kumpulan Pengurusan dan Profesional pada 1 Januari 2023.

## TAFSIRAN

5. Bagi maksud Pekeliling Perkhidmatan ini:

**“Kenaikan Gaji Tahunan”** bermaksud amaun yang digunakan bagi pemberian pergerakan gaji biasa yang ditetapkan mengikut gred dalam Jadual Gaji Minimum Maksimum (JGMM).

**“Kenaikan Gaji Tahunan Tambahan Khas”** bermaksud amaun bagi pemberian pergerakan gaji tambahan khas sebanyak RM100.00 kepada pegawai Kumpulan Pelaksana dan Kumpulan Pengurusan dan Profesional bagi tahun 2023 sahaja.

## PELAKSANAAN

### Pegawai Yang Layak

6. Pelaksanaan pemberian KGT Tambahan Khas ini melibatkan pegawai Perkhidmatan Awam Persekutuan dari Kumpulan Pelaksana dan Kumpulan Pengurusan dan Profesional bertaraf tetap, sementara dan kontrak (*Contract of Service*) yang telah dilantik **sebelum 1 Januari 2023 dan sedang berkhidmat pada 1 Januari 2023**, termasuk pegawai yang berada dalam keadaan seperti berikut:

- 6.1 pegawai yang dipinjamkan atau ditukar sementara ke agensi Kerajaan;
- 6.2 pegawai yang dipinjamkan ke pertubuhan antarabangsa atau sektor swasta;

6.3 pegawai yang cuti bergaji penuh, cuti separuh gaji dan cuti tanpa gaji; atau

6.4 pegawai yang meninggal dunia pada 1 Januari 2023.

### **Pegawai Yang Tidak Layak**

7. Pemberian KGT Tambahan Khas ini tidak diberikan kepada:

7.1 Pegawai yang tidak hadir bertugas dan ditahan gajinya sepanjang tahun 2022;

7.2 Pegawai yang dikenakan tindakan tatatertib dengan hukuman buang kerja yang berkuat kuasa pada 1 Januari 2023;

7.3 Pegawai yang dilantik mulai 1 Januari 2023;

7.4 Pegawai yang bersara pada atau sebelum 1 Januari 2023; atau

7.5 Pegawai yang meninggal dunia pada atau sebelum 31 Disember 2022.

### **Kaedah Pelaksanaan**

8. Gaji hakiki pegawai pada 31 Disember 2022 akan ditambah dengan KGT Tambahan Khas sebanyak RM100.00 pada 1 Januari 2023. Amaun tersebut kekal dalam gaji hakiki pegawai.

9. KGT Tambahan Khas hanya diberi pada tahun 2023 sahaja. Simulasi kaedah pemberian KGT Tambahan Khas adalah seperti di **Lampiran A**.

10. Bagi pegawai yang dipinjamkan atau ditukar sementara ke jawatan Kumpulan Pelaksana atau Kumpulan Pengurusan dan Profesional di agensi Kerajaan, pemberian KGT Tambahan Khas sebanyak RM100.00 pada 1 Januari 2023 hendaklah diberi secara isyarat di gaji hakiki oleh Ketua Jabatan asal dan secara sebenar oleh Ketua Jabatan agensi peminjam.

11. Bagi pegawai yang dipinjamkan atau ditukar sementara ke jawatan Kumpulan Pengurusan Tertinggi, agensi Kerajaan yang diasingkan saraan, pertubuhan antarabangsa atau sektor swasta, pemberian KGT Tambahan Khas sebanyak RM100.00 pada 1 Januari 2023 hendaklah diberi secara isyarat di gaji hakiki sahaja oleh Ketua Jabatan asal.

12. Pelaksanaan pemberian KGT Tambahan Khas ini adalah tidak tertakluk kepada penilaian prestasi kerja tahunan pegawai dan keputusan Panel Pembangunan Sumber Manusia (PPSM).

13. Pelaksanaan pemberian KGT Tambahan Khas ini tidak berkaitan dengan urusan perkhidmatan lain yang melibatkan kadar KGT termasuk penetapan gaji permulaan kenaikan pangkat dan hukuman tatatertib seperti hukuman tangguh pergerakan gaji dan hukuman turun gaji.

14. Perubahan gaji berikutan pemberian KGT Tambahan Khas ini hendaklah direkodkan dalam Buku Perkhidmatan Kerajaan dan Sistem Maklumat Pengurusan Sumber Manusia (HRMIS).

### **Pergerakan Gaji Tahunan**

15. Pemberian KGT Tambahan Khas ini tidak menjejaskan PGT pegawai bagi tahun 2023 dan tahun berikutnya tertakluk kepada pegawai memenuhi syarat dan peraturan PGT yang berkuat kuasa.

### **Tarikh Pergerakan Gaji**

16. Pemberian KGT Tambahan Khas ini tidak mengubah Tarikh Pergerakan Gaji pegawai.

### **TARIKH KUAT KUASA**

17. Pekeliling Perkhidmatan ini hendaklah berkuat kuasa pada **1 Januari 2023**.

## PEMAKAIAN

18. Tertakluk kepada penerimaannya oleh pihak berkuasa masing-masing, Pekeliling Perkhidmatan ini pada keseluruhannya dipanjangkan kepada semua Perkhidmatan Awam Negeri, Pihak Berkuasa Berkanun dan Pihak Berkuasa Tempatan.

**“BERKHIDMAT UNTUK NEGARA”**



**(DATO' DR. ZULKAPLI BIN MOHAMED)**

Timbalan Ketua Pengarah Perkhidmatan Awam (Pembangunan)  
Malaysia

JABATAN PERKHIDMATAN AWAM  
MALAYSIA  
PUTRAJAYA

27 Disember 2022

Semua Setiausaha Suruhanjaya Perkhidmatan

Semua Ketua Setiausaha Kementerian

Semua Ketua Jabatan Persekutuan

Semua YB Setiausaha Kerajaan Negeri

Semua Pihak Berkuasa Berkanun

Semua Pihak Berkuasa Tempatan

**LAMPIRAN A****INDEKS SIMULASI PEMBERIAN KGT TAMBAHAN KHAS**

<b>BIL.</b>	<b>SENARAI SIMULASI</b>	<b>LAMPIRAN</b>	<b>MUKA SURAT</b>
1	Kaedah Pemberian KGT Tambahan Khas Bagi Pegawai Yang Tarikh Pergerakan Gaji Sama Dengan Tarikh Kuat Kuasa KGT Tambahan Khas	A1	7
2	Kaedah Pemberian KGT Tambahan Khas Bagi Pegawai Yang Tarikh Pergerakan Gaji Tidak Sama Dengan Tarikh Kuat Kuasa KGT Tambahan Khas	A2 & A3	8-9
3	Kaedah Pemberian KGT Tambahan Khas Bagi Pegawai Yang Dinaikkan Pangkat (Secara <i>Time Based</i> Berasaskan Kecemerlangan (TBK)) Pada Tahun 2023	A4	10
4	Kaedah Pemberian KGT Tambahan Khas Bagi Pegawai Yang Diberi Pemangkuan/ Kenaikan Pangkat (Secara Hakiki) Pada Tahun 2023	A5	11

**KAEDAH PEMBERIAN KGT TAMBAHAN KHAS  
BAGI PEGAWAI YANG TARIKH PERGERAKAN GAJI SAMA DENGAN TARIKH  
KUAT KUASA KGT TAMBAHAN KHAS**

Skim Perkhidmatan	: Pegawai Undang-Undang
Gred	: L41
Tarikh Kuat Kuasa	: 1 Januari 2023
Tarikh Pergerakan Gaji	: 1 Januari
Gaji Minimum - Maksimum	: RM2,418.00 – RM9,607.00
Kadar KGT	: RM225.00

<b>Tarikh</b>	<b>Telah Terima (RM)</b>	<b>Patut Terima (RM)</b>	<b>Catatan</b>
31.12.2022	3,418.00	-	Gaji hakiki pegawai sehari sebelum tarikh kuat kuasa pemberian KGT Tambahan Khas.
1.1.2023	-	<b>3,518.00</b> (3,418.00 + 100.00)	Pemberian KGT Tambahan Khas.
1.1.2023	-	<b>3,743.00</b> (3,518.00 + 225.00)	TPG pegawai. Diberi PGT pada kadar RM225.00 mengikut keputusan PPSM.
1.1.2024	-	<b>3,968.00</b> (3,743.00 + 225.00)	TPG pegawai. Diberi PGT pada kadar RM225.00 mengikut keputusan PPSM.
1.1.2025	-	<b>4,193.00</b> (3,968.00 + 225.00)	TPG pegawai. Diberi PGT pada kadar RM225.00 mengikut keputusan PPSM.

**Catatan:**

PPSM : Panel Pembangunan Sumber Manusia  
 TPG : Tarikh Pergerakan Gaji  
 PGT : Pergerakan Gaji Tahunan  
 KGT : Kenaikan Gaji Tahunan



**KAEDAH PEMBERIAN KGT TAMBAHAN KHAS  
BAGI PEGAWAI YANG TARIKH PERGERAKAN GAJI TIDAK SAMA DENGAN  
TARIKH KUAT KUASA KGT TAMBAHAN KHAS**

Skim Perkhidmatan	: Pembantu Operasi
Gred	: N11
Tarikh Kuat Kuasa	: 1 Januari 2023
Tarikh Pergerakan Gaji	: 1 Oktober
Gaji Minimum - Maksimum	: RM1,216.00 – RM2,983.00
Kadar KGT	: RM80.00

<b>Tarikh</b>	<b>Telah Terima (RM)</b>	<b>Patut Terima (RM)</b>	<b>Catatan</b>
31.12.2022	2,057.74	-	Gaji hakiki pegawai sehari sebelum tarikh kuat kuasa pemberian KGT Tambahan Khas.
1.1.2023	-	<b>2,157.74</b> (2,057.74 + 100.00)	Pemberian KGT Tambahan Khas.
1.10.2023	-	<b>2,237.74</b> (2,157.74 + 80.00)	TPG pegawai. Diberi PGT pada kadar RM80.00 mengikut keputusan PPSM.
1.10.2024	-	<b>2,317.74</b> (2,237.74 + 80.00)	TPG pegawai. Diberi PGT pada kadar RM80.00 mengikut keputusan PPSM.
1.10.2025	-	<b>2,397.74</b> (2,317.74 + 80.00)	TPG pegawai. Diberi PGT pada kadar RM80.00 mengikut keputusan PPSM.

**KAEDAH PEMBERIAN KGT TAMBAHAN KHAS  
BAGI PEGAWAI YANG TARIKH PERGERAKAN GAJI TIDAK SAMA DENGAN  
TARIKH KUAT KUASA KGT TAMBAHAN KHAS**

Skim Perkhidmatan	: Penolong Pegawai Keselamatan
Gred	: KP32
Tarikh Kuat Kuasa	: 1 Januari 2023
Tarikh Pergerakan Gaji	: 1 Julai
Gaji Minimum - Maksimum	: RM2,844.00 – RM6,271.00
Kadar KGT	: RM155.00

<b>Tarikh</b>	<b>Telah Terima (RM)</b>	<b>Patut Terima (RM)</b>	<b>Catatan</b>
31.12.2022	3,774.15	-	Gaji hakiki pegawai sehari sebelum tarikh kuat kuasa pemberian KGT Tambahan Khas.
1.1.2023	-	<b>3,874.15</b> (3,774.15 + 100.00)	Pemberian KGT Tambahan Khas.
1.7.2023	-	<b>4,029.15</b> (3,874.15 + 155.00)	TPG pegawai. Diberi PGT pada kadar RM155.00 mengikut keputusan PPSM.
1.7.2024	-	<b>4,184.15</b> (4,029.15 + 155.00)	TPG pegawai. Diberi PGT pada kadar RM155.00 mengikut keputusan PPSM.
1.7.2025	-	<b>4,339.15</b> (4,184.15 + 155.00)	TPG pegawai. Diberi PGT pada kadar RM155.00 mengikut keputusan PPSM.

**KAEDAH PEMBERIAN KGT TAMBAHAN KHAS  
BAGI PEGAWAI YANG DINAIKKAN PANGKAT (SECARA *TIME BASED*  
BERASASKAN KECEMERLANGAN (TBK)) PADA TAHUN 2023**

Skim Perkhidmatan	: Pembantu Tadbir (Perkeranian/Operasi)
Gred	: N22
Tarikh Kuat Kuasa	: 1 Januari 2023
Tarikh Pergerakan Gaji Gred N19	: 1 April
Tarikh Kenaikan Pangkat ke Gred N22	: 16 Ogos 2023
Gaji Minimum – Maksimum Gred N19	: RM1,352.00 – RM4,003.00
Gaji Minimum – Maksimum Gred N22	: RM2,252.00 – RM4,693.00
Kadar KGT Gred N19	: RM100.00
Kadar KGT Gred N22	: RM115.00

<b>Tarikh</b>	<b>Telah Terima (RM)</b>	<b>Patut Terima (RM)</b>	<b>Catatan</b>
31.12.2022	2,552.00	-	Gaji hakiki pegawai sehari sebelum tarikh kuat kuasa pemberian KGT Tambahan Khas.
1.1.2023	-	<b>2,652.00</b> (2,552.00 + 100.00)	Pemberian KGT Tambahan Khas.
1.4.2023	-	<b>2,752.00</b> (2,652.00 + 100.00)	TPG Pegawai. Diberi KGT pada kadar RM100.00 bagi Gred N19, mengikut keputusan PPSM.
16.8.2023	-	<b>2,867.00</b> (2,752.00 + 115.00)	Tarikh kenaikan pangkat ke Gred N22. Penentuan gaji permulaan kenaikan pangkat. Gaji Gred N19 ditambah dengan kadar KGT Gred N22 selaras dengan perenggan 7, Ceraian UP.3.1.2 Panduan Pelaksanaan Penetapan Gaji Permulaan Kenaikan Pangkat. TPG di Gred N22 ialah pada 1 Julai.
1.7.2024	-	<b>2,982.00</b> (2,867.00 + 115.00)	TPG baharu Pegawai. Diberi KGT pada kadar RM115.00 bagi Gred N22, mengikut keputusan PPSM.
1.7.2025	-	<b>3,097.00</b> (2,982.00 + 115.00)	TPG Pegawai. Diberi KGT pada kadar RM115.00 bagi Gred N22, mengikut keputusan PPSM.

**KAEDAH PEMBERIAN KGT TAMBAHAN KHAS  
BAGI PEGAWAI YANG DIBERI PEMANGKUAN/ KENAIKAN PANGKAT  
(SECARA HAKIKI) PADA TAHUN 2023**

Skim Perkhidmatan	: Juruukur
Gred	: J41
Tarikh Kuat Kuasa	: 1 Januari 2023
Tarikh Pergerakan Gaji Gred J41	: 1 Januari
Tarikh Pemangkuan Gred J44	: 10 Mei 2023
Tarikh Kenaikan Pangkat ke Gred J44	: 10 Mei 2024
Gaji Minimum – Maksimum Gred J41	: RM2,529.00 – RM9,643.00
Gaji Minimum – Maksimum Gred J44	: RM3,608.00 – RM10,557.00
Kadar KGT Gred 41	: RM225.00
Kadar KGT Gred 44	: RM250.00

<b>Tarikh</b>	<b>Telah Terima (RM)</b>	<b>Patut Terima (RM)</b>	<b>Catatan</b>
31.12.2022	4,329.00	-	Gaji hakiki pegawai sehari sebelum tarikh kuat kuasa pemberian KGT Tambahan Khas.
1.1.2023	-	<b>4,429.00</b> (4,329.00 + 100.00)	Pemberian KGT Tambahan Khas.
1.1.2023	-	<b>4,654.00</b> (4,429.00 + 225.00)	TPG Pegawai. Diberi KGT pada kadar RM225.00 bagi Gred J41, mengikut keputusan PPSM.
10.5.2023	-	4,654.00	Diberi pemangkuan ke Gred J44.
1.1.2024	-	<b>4,879.00</b> (4,654.00 + 225.00)	TPG Pegawai. Diberi KGT pada kadar RM225.00 bagi Gred J41, mengikut keputusan PPSM.
10.5.2024	-	<b>5,129.00</b> (4,879.00 + 250.00)	Tarikh kenaikan pangkat ke Gred J44. Penentuan gaji permulaan kenaikan pangkat. Gaji Gred J41 ditambah dengan kadar KGT Gred J44 selaras dengan perenggan 7, Ceraian UP.3.1.2 Panduan Pelaksanaan Penetapan Gaji Permulaan Kenaikan Pangkat. TPG di Gred J44 ialah pada 1 April.

**SOALAN LAZIM**  
**PEMBERIAN KENAIKAN GAJI TAHUNAN (KGT) TAMBAHAN KHAS KEPADA**  
**PEGAWAI PERKHIDMATAN AWAM PERSEKUTUAN DALAM KUMPULAN**  
**PELAKSANA DAN KUMPULAN PENGURUSAN DAN PROFESIONAL**

BIL.	SOALAN	JAWAPAN
1.	Adakah pemberian KGT Tambahan Khas sebanyak RM100.00 ini dilaksanakan setiap tahun bermula tahun 2023?	Tidak. Pemberian KGT Tambahan Khas ini hanya dilaksanakan pada tahun 2023 sahaja. Walau bagaimanapun, amaun RM100.00 tersebut akan kekal dalam gaji hakiki pegawai.
2.	Bilakah KGT Tambahan Khas akan dibayar?	Tarikh kuat kuasa pelaksanaan pemberian KGT Tambahan Khas adalah pada 1 Januari 2023. Walau bagaimanapun, pembayaran KGT Tambahan Khas akan dibuat mulai tarikh pembayaran gaji bagi bulan Januari 2023.
3.	Adakah pegawai Kumpulan Pengurusan Tertinggi layak menerima KGT Tambahan Khas sebanyak RM100.00?	Pegawai yang berada di Kumpulan Pengurusan Tertinggi secara hakiki pada 1 Januari 2023 adalah tidak layak menerima KGT Tambahan Khas ini. KGT Tambahan Khas sebanyak RM100.00 ini hanya diberikan kepada pegawai Kumpulan Pelaksana dan Kumpulan Pengurusan dan Profesional.
4.	Adakah pegawai Kumpulan Pengurusan dan Profesional yang sedang memangku Jawatan Utama / Gred Khas C layak menerima KGT Tambahan Khas?	Layak. Walau bagaimanapun, sekiranya tarikh kenaikan pangkat pegawai tersebut ke Jawatan Utama / Gred Khas C dikebelakangkan sebelum 1 Januari 2023, KGT Tambahan Khas tersebut perlu dikutip semula dan diselaraskan.
5.	Adakah pegawai yang dipinjamkan atau ditukar sementara ke jawatan Kumpulan Pelaksana atau Kumpulan Pengurusan dan Profesional di agensi Kerajaan layak menerima KGT Tambahan Khas sebanyak RM100.00?	Layak. Pegawai yang dipinjamkan atau ditukar sementara ke jawatan Kumpulan Pelaksana dan Kumpulan Pengurusan dan Profesional di agensi Kerajaan adalah layak menerima KGT Tambahan Khas sebanyak RM 100.00 secara isyarat di gaji jawatan hakiki dan secara

BIL.	SOALAN	JAWAPAN
		<p>sebenar di jawatan peminjaman / tukar sementara.</p> <p>Bagi pegawai yang dipinjamkan atau ditukar sementara ke jawatan Kumpulan Pengurusan Tertinggi, agensi Kerajaan yang diasingkan saraan, pertubuhan antarabangsa atau sektor swasta, pemberian KGT Tambahan Khas hendaklah diberikan secara isyarat di gaji jawatan hakiki sahaja.</p>
6.	Adakah pegawai yang dikenakan hukuman tatatertib layak menerima KGT Tambahan Khas?	Pegawai yang dikenakan hukuman tatatertib selain daripada hukuman buang kerja yang berkuatkuasa 1 Januari 2023 adalah layak untuk menerima KGT Tambahan Khas.
7.	Adakah kadar KGT Tambahan Khas sebanyak RM100.00 turut digunakan dalam penetapan gaji permulaan kenaikan pangkat?	Tidak. Pemberian KGT Tambahan Khas sebanyak RM100.00 tidak berkaitan dengan urusan perkhidmatan lain termasuklah penetapan gaji permulaan kenaikan pangkat.
8.	Adakah pegawai yang bersara pada 1 Januari 2023 layak menerima KGT Tambahan Khas?	Tidak. Pegawai yang bersara pada 1 Januari 2023 adalah tidak layak menerima KGT Tambahan Khas kerana hari terakhir perkhidmatan pegawai adalah pada 31 Disember 2022.
9.	Adakah pegawai yang meninggal dunia pada 1 Januari 2023 layak menerima KGT Tambahan Khas?	Layak. Pegawai yang meninggal dunia pada 1 Januari 2023 adalah layak menerima KGT Tambahan Khas kerana hari terakhir perkhidmatan pegawai adalah pada 1 Januari 2023. KGT Tambahan Khas ini akan diambil kira dalam gaji akhir pegawai bagi tujuan faedah persaraan.
10.	Adakah pegawai yang dikenakan tindakan tatatertib dengan hukuman buang kerja yang berkuatkuasa selepas daripada 1	Layak. Pegawai yang dikenakan tindakan tatatertib dengan hukuman buang kerja yang berkuatkuasa selepas daripada 1 Januari 2023 adalah layak

BIL.	SOALAN	JAWAPAN
	Januari 2023 layak menerima KGT Tambahan Khas?	menerima KGT Tambahan Khas kerana pegawai masih lagi berkhidmat pada 1 Januari 2023.
11.	Adakah pemberian KGT Tambahan Khas ini tertakluk kepada keputusan Panel Pembangunan Sumber Manusia (PPSM)?	Tidak. Pemberian KGT Tambahan Khas ini adalah tidak tertakluk kepada keputusan PPSM.



**TIMBALAN KETUA PENGARAH PERKHIDMATAN AWAM (PEMBANGUNAN)  
DEPUTY DIRECTOR-GENERAL OF PUBLIC SERVICE (DEVELOPMENT)**

Jabatan Perkhidmatan Awam, Malaysia  
Public Service Department, Malaysia  
Aras 13, Blok C1, Kompleks C  
Pusat Pentadbiran Kerajaan Persekutuan  
62510 W.P. Putrajaya  
Malaysia

Tel: 603-88853002  
Faks (Fax): 603-88892639  
Laman Web (Web): [www.jpa.gov.my](http://www.jpa.gov.my)

Rujukan : JPA.800-3/2/4 (17)  
Tarikh : 27 Disember 2022

Semua Ketua Setiausaha Kementerian  
Semua Ketua Jabatan Persekutuan  
Semua YB Setiausaha Kerajaan Negeri  
Semua Pihak Berkuasa Berkanun  
Semua Pihak Berkuasa Tempatan

*YBhg. Tan Sri/Datuk Seri/Dato' Seri/Datuk/Dato'/Tuan/Puan,*

### **BANTUAN KHAS KEWANGAN TAHUN 2023**

Dengan hormatnya saya ingin menarik perhatian YBhg. Tan Sri/Datuk Seri/Dato' Seri/Datuk/ Dato'/Tuan/Puan kepada perkara di atas.

2. Sebagaimana YBhg. Tan Sri/Datuk Seri/Dato' Seri/Datuk/Dato'/Tuan/Puan sedia maklum bahawa Kerajaan melalui Akta Kumpulan Wang Disatukan (Perbelanjaan Masuk Akaun) 2022, telah bersetuju supaya Bantuan Khas Kewangan (BKK) Tahun 2023 sebanyak RM700.00 dibayar kepada pegawai Perkhidmatan Awam Kumpulan Pengurusan dan Profesional serta Kumpulan Pelaksana Gred 56 dan ke bawah. Di samping itu, BKK Tahun 2023 ini turut dipanjangkan kepada pesara Kerajaan yang menerima pencen dan veteran tidak berpencen dengan bayaran sebanyak RM350.00.



3. Selaras dengan keputusan tersebut, kaedah pelaksanaan pembayaran BKK Tahun 2023 adalah seperti berikut:

3.1 Bayaran **LAYAK** diberikan kepada:

- (i) pegawai Perkhidmatan Awam Kumpulan Pengurusan dan Profesional serta Kumpulan Pelaksana Gred 56<sup>1</sup> dan ke bawah yang masih berkhidmat pada 17 Januari 2023;
- (ii) pegawai Perkhidmatan Awam Kumpulan Pengurusan dan Profesional serta Kumpulan Pelaksana yang layak tersebut merupakan:
  - a) pegawai lantikan tetap, sementara dan *Contract of Service* (COS)<sup>2</sup>;
  - b) pegawai yang bercuti bergaji penuh;
  - c) pegawai yang bercuti separuh gaji;
  - d) pegawai yang bercuti tanpa gaji; dan
  - e) pegawai yang dipinjamkan termasuk ke agensi yang diasingkan pengurusan saraannya. BKK Tahun 2023 ini akan dibayar oleh agensi yang menerima peminjaman pegawai.

---

<sup>1</sup> Pegawai di Gred 56 atau setara. Tidak termasuk pegawai yang sedang memangku di Gred Utama/Khas.

<sup>2</sup> Bagi pegawai di bawah *Contract for Service*, surat edaran berasingan akan dikeluarkan oleh Kementerian Kewangan.

3.2 BKK Tahun 2023 ini turut dibayar kepada:

- (i) pegawai lantikan MySTEP yang telah berkhidmat selama sekurang-kurangnya enam (6) bulan pada tahun 2022 dan masih berkhidmat sebagai MySTEP pada 17 Januari 2023;
- (ii) guru interim;
- (iii) pemandu yang dilantik sendiri oleh pegawai Gred Jawatan Utama B dan ke atas, serta Gred Khas A dan ke atas yang layak pemandu tetapi tidak disediakan pemandu oleh jabatannya; dan
- (iv) pemandu yang dilantik sendiri oleh Anggota Pentadbiran dan Hakim dan Pesuruhjaya Kehakiman.

3.3 Bagi pesara Kerajaan yang menerima pencen termasuk penerima pencen terbitan di bawah undang-undang pencen serta pesara Skim Kumpulan Wang Simpanan Pekerja (KWSP) yang bersara daripada perkhidmatan awam apabila mencapai opsyen umur persaraan pada atau sebelum 17 Januari 2023 akan dibayar sebanyak RM350.00 oleh Jabatan Perkhidmatan Awam (JPA) manakala veteran berpencen dan tidak berpencen oleh Jabatan Hal Ehwal Veteran (JHEV);

3.4 Pesara (rujuk para 3.3) dan veteran yang dilantik semula secara lantikan tetap, sementara serta COS dan masih berkhidmat pada 17 Januari 2023 layak dibayar sebanyak RM700.00. Walau bagaimanapun, pembayaran sebanyak RM350.00 akan dibuat oleh JPA/JHEV dan bakinya sebanyak

RM350.00 akan dibayar oleh jabatan di mana pegawai sedang berkhidmat;

3.5 Pegawai Perkhidmatan Awam Persekutuan yang meninggal dunia pada 17 Januari 2023 layak diberi BKK Tahun 2023 sebanyak RM700.00;

3.6 Bayaran **TIDAK LAYAK** diberikan kepada:

(i) pegawai dalam Kumpulan Pengurusan Tertinggi dan setaraf termasuk pegawai yang memangku, dipinjam/tukar sementara dan penempatan khas ke Gred Jawatan Utama/Gred Khas;

(ii) pegawai yang dikenakan hukuman tatatertib buang kerja atau turun pangkat dalam tempoh 1 Januari 2023 hingga 17 Januari 2023;

(iii) pegawai yang ditamatkan perkhidmatan demi kepentingan awam dalam tempoh 1 Januari 2023 hingga 17 Januari 2023;

(iv) pegawai yang meletak jawatan dalam tempoh 1 Januari 2023 hingga 17 Januari 2023; dan

(v) pegawai berpencen yang melepaskan hak pencen kerana menyertai Badan Berkanun Yang Diasingkan Saraan.

3.7 Pegawai yang ditahan kerja, digantung kerja atau surat pertuduhan telah dikeluarkan oleh Pihak Berkuasa Tatatertib (PBTT) akan ditangguhkan pemberian BKK Tahun 2023 ini. Pegawai hanya layak dibayar BKK Tahun 2023 setelah

dibebaskan daripada pertuduhan tatatertib atau dikenakan hukuman selain buang kerja atau diturunkan pangkat oleh PBTT yang berkenaan; dan


3.8 BKK Tahun 2023 ini akan dibayar pada 17 Januari 2023 dan menjadi tanggungan jabatan di mana pegawai berkhidmat pada tarikh pembayaran.

4. Tertakluk kepada penerimaan pakai oleh pihak berkuasa masing-masing, arahan ini pada keseluruhannya dipanjangkan kepada semua Perkhidmatan Awam Negeri, Pihak Berkuasa Berkanun dan Pihak Berkuasa Tempatan.

Sekian, terima kasih.

**“BERKHIDMAT UNTUK NEGARA”**

Saya yang menjalankan amanah,



**(DATO' DR ZULKAPLI BIN MOHAMED)**  
b.p. Ketua Pengarah Perkhidmatan Awam

s.k.:

Ketua Setiausaha Negara

Ketua Setiausaha Perbendaharaan

Akauntan Negara